



ADDENDA AO CONVENIO DE COLABORACIÓN ENTRE A AXENCIA TURISMO DE GALICIA, A AGRUPACIÓN EUROPEA DE COOPERACIÓN TERRITORIAL E A UNIVERSIDADE DE SANTIAGO DE COMPOSTELA PARA O DESENVOLVEMENTO DE METODOS DE AVALIACIÓN E SEGUIMENTO DO IMPACTO SOCIOECONOMICO DO CAMIÑO DE SANTIAGO A ESCALA LOCAL: APLICACIÓN O CAMIÑO PORTUGUES NO MARCO DO PROXECTO 0585_FACENDO_CAMIÑO_1_P COFINANCIADO NUN 75% POLO PROGRAMA INTERREG VA ESPAÑA-PORTUGAL FEDER

Data sinatura 13.10.2020

REUNIDOS

Por unha parte, D. Alfonso Rueda Valenzuela, vicepresidente primeiro e conselleiro de Presidencia, Xustiza e Turismo, en representación da **Axencia de Turismo de Galicia**, en calidade de presidente, segundo se establece na Disposición adicional novena do Decreto 130/2020, do 17 de setembro (DOG núm. 190, do 18 de setembro), e de conformidade coa atribución do artigo 15.2.c) dos estatutos da Axencia Turismo de Galicia, aprobados polo Decreto 196/2012, do 27 de setembro (DOG núm. 193, do 9 de outubro).

Doutra parte, D. _____, en calidade de director da **Eurorrexión Galicia – Norte de Portugal - Agrupación Europea de Cooperación Territorial** (en adiante AECT), con domicilio en Rúa Eduardo Cabello s/n, Bouzas (Edificio CETMAR), 36208, Vigo.

E doutra parte, D. _____, en representación da **Universidade de Santiago de Compostela** (en adiante, USC), con domicilio en Pazo de San Xerome – Praza do Obradoiro s/n, 15782 – Santiago de Compostela, en calidade de Reitor, en virtude do Decreto 57/2018, do 31 de maio (DOG de 5 de xuño).As partes que interveñen en función dos seus respectivos cargos no exercicio das facultades que teñen conferidas para conveniar en nome das entidades que representan.

EXPOÑEN





PRIMEIRO.- Que as Partes subscribiron con data de 11 de maio de 2020 un Convenio de colaboración para o desenvolvemento dunha metodoloxía específica para o estudo dos impactos do Camiño de Santiago en Galicia pola vía do Camiño Portugués e a elaboración dun informe final que materialice os traballos realizados. Esta actividade realízase no marco do proxecto 0585_FACENDO_CAMIÑO_1_P, cofinanciado nun 75% polo Programa Interreg V-A España-Portugal (POCTEP) 2014-2020, do que son beneficiarios a Axencia de Turismo de Galicia e a AECT.

SEGUNDO.- Que a cláusula sexta establece os prazos para a presentación da documentación xustificativa de cada unha das fases que se prevén no propio convenio:

Primeira fase: 31 marzo 2020.

Segunda fase: 31 agosto 2020.

Terceira fase: 15 novembro 2020.

TERCEIRO.- Que a aparición do coronavirus Covid-19 no mes de decembro de 2019 xerou un escenario mundial que requiriu de medidas preventivas e de acción que permitiran facer un seguimento da situación do avance dos casos, o que implica para as autoridades o deseño de protocolos que permitan prever e afrontar os múltiples escenarios que se puidesen dar, entrando en vigor:

- O Real Decreto 463/2020, do 14 de marzo de 2020 (BOE do 14 de marzo de 2020) polo que se declara o estado de alarma para a xestión da situación de crise sanitaria ocasionada pola Covid-19 no territorio do estado español.
- O Acordo do Consello da Xunta, do 12 de marzo de 2020 (DOG do 12 de marzo de 2020) polo que se adoptan medidas preventivas en materia de saúde pública na Comunidade Autónoma de Galicia, como consecuencia da evolución da epidemia do coronavirus Covid-19.

CUARTO.- Que a cláusula oitava do convenio asinado contempla a posibilidade de levar a cabo modificacións do mesmo que se adoptarán por acordo expreso e escrito das partes asinantes.





QUINTO.- Que as Partes consideran necesario ampliar o prazo de entrega da documentación xustificativa relativa á terceira fase do proxecto.

Por estes motivos, acórdase celebrar a presente addenda que se rexerá polas seguintes

CLÁUSULAS

PRIMEIRA.- OBXECTO

Modifícase a cláusula sexta do convenio, relativa á xustificación e pagamento, que queda redactada como segue:

“1º.- As achegas da Axencia Turismo de Galicia e da AECT serán libradas á USC previa presentación da xustificación da execución das actuacións desenvolvidas, para o que a USC deberá presentar a seguinte documentación:

- Memoria explicativa da actividade realizada e acreditación do cumprimento das actuacións obxecto do convenio, xunto co informe final establecido na cláusula primeira.
- Certificación económica detallada onde se relacionen os gastos que se imputan á xustificación, así como certificación do seu pagamento, emitido polo órgano competente da USC.
- Certificacións de estar ao corrente das súas obrigas tributarias e da seguridade social e de non ter pendente débedas por ningún concepto coa Xunta de Galicia.
- Indicación do número de conta para realizar o pagamento xunto coa declaración responsable sobre a súa titularidade.

2º.- Establécense as seguintes fases na execución e pagamento do presente convenio, que se detallan no Anexo I que se incorpora ao convenio:

Primeira fase: Fase preliminar: Adaptación da metodoloxía deseñada para a avaliación do impacto socioeconómico ao camiño portugués.

Pagamento:

Axencia de Turismo de Galicia: 11.300 €





AECT: 5.000 €

Segunda fase: Fase I. Detalle información de campo residentes. Caracterización dos territorios (Galicia e Norte Portugal)

Axencia de Turismo de Galicia: 11.300€

AECT: 5.000 €

Terceira fase: Fase II. Detalle información de campo peregrinos. Visualización

Axencia de Turismo de Galicia: 11.300€

AECT: 5.000 €

Todos estes importes poderían incluír IVE no caso de que este non sexa un gasto recuperable ou compensable pola universidade.

3º.- A entrega da documentación xustificativa de cada fase ten a seguintes datas de presentación máximas:

Primeira fase: 31 marzo 2020.

Segunda fase: 31 agosto 2020.

Terceira fase: 10 de decembro 2020.

4º.- A cantidade máxima que se obriga a aportar a Axencia reducirase na mesma proporción que represente a cantidade non xustificada respecto do orzamento total inicialmente previsto neste convenio, sempre e cando se acade o obxecto deste convenio de colaboración.

Non se entenderá incumplida a obriga de xustificación das actuacións obxecto deste convenio no caso de variacións das contías previstas nas distintas partidas establecidas no orzamento estimado na





cláusula segunda, cando obedezan a razóns xustificadas e as actuacións que se levaran a cabo garden relación directa co obxecto do presente convenio.

5º.- A documentación correspondente á xustificación presentárase de forma electrónica a través da sede electrónica da Xunta de Galicia (<http://sede.xunta.gal>).

6º.-A Axencia Turismo de Galicia resérvase o dereito a solicitar toda a documentación que considere precisa en relación coa xustificación do convenio.

Ao abeiro deste convenio poderán financiarse os gastos nos que tivese incorrido a USC como consecuencia da realización de actuacións acordes co obxecto do convenio.”

SEGUNDA. CONDICIÓN

Para todo o non previsto na presente addenda serán de aplicación as cláusulas, condicións e termos establecidos no convenio asinado, formando parte integrante do mesmo.

Lida polas partes, por si mesmas, e como proba de conformidade co expresado nesta addenda, asínana e rubrican por quintuplicado exemplar, no mesmo lugar e data que se indica no encabezamento.

En proba de conformidade de canto antecede, as partes asinan o presente documento na data da súa sinatura dixital.

Pola Axencia Turismo de Galicia
O presidente
Alfonso Rueda Valenzuela

Pola USC
O reitor

Por AECT
O director

